

DISSERTATIO CHRONOLOGICA
De
NATALI MUNDI,

Quam
In Illustri Academia WITTEBERGENSI
D. T. O. M. A.

PRÆSIDE
M. ÆGIDIO ΓΕΛΛΑΒΕΝ
S. S. Theolog. Studiosô,

*ad placidam συμφιλολογίαν
proponit*

PAULUS ΗΡΩΔΙΑΝ Uratis-
laviensis,

Ad d. 15. Dec. fer. 4. Horis matut.


A N N O

Per. Constant. 7160.

P. Jul. 6365.

P. Ind. '5413.

A conditu Mundi 5602. &c.



WITTEBERGÆ

Typis JOBI WILHELMI FINGELII,
MDC LII.

THEO. L. M. J. 1807
NATALI MUNDI

IN THE CITY OF NEW YORK
PRINTED BY J. M. J. 1807


PUBLISHED BY J. M. J. 1807

THEO. L. M. J. 1807

THEO. L. M. J. 1807

THEO. L. M. J. 1807

Quod DEUS benè vertat!

 Vam orbis adorat, cui Oceanus
decedit, *Roma incolæ*, annò qvò orti pri-
mum, *Romulò* condente urbem, fastos
suos signabant, qvò quisque Cæsarum, Principum
ac Regum, Imperii fasces vel obtinuisset, vel paulò
obscurius qvòque splendidiore reddidisset, curiosà
sæpè sedulitate annotârunt adulatores.

Quanto magis nos de ORBIS TOTIUS NATALI
solicitos habere curam decet, cum universali bene-
ficio tunc frui datum sit, fasti qvòque cum fascibus
tunc primùm cœperint. Qvò quis sit natus, pudet ne-
scire: at qvò omnes nati simus tempore cum tempore
æqvo animo nescire velle pro parte sapienciæ humanæ
ignorantiæ mancipia habent. Scilicet veritas sæpè latet
in profundo, sui Studiosos per ambages beat, quas
qui fastidit de ipsa potius ambigit. Fabularum inde
Voluptas historiã abegit. Secus nos, nihil circuitu usi,
methodò, qvoad possumus, facili veritatem circa hu-
jus Epochæ constitutionem indagabimus, mox falsi-
tatem refutabimus; Præmittentes illud felicissimi
Chronologici studii Athletæ, *Scaligerum* volo: *Infini-
ta res Epochæ & intervalla temporum, sed in qva mate-
ria nulla justior venia sit, siquidem nullius est, ut omnia
nosse, sic omnia literis complecti.* Qvò prudens Scali-
geri diæterium in defensionem nostram totum com-
poli-

positum esto. TU PATER TEMPORUM ANNUE
CLEMENTER!

PUNCTUM PRIMUM

Exhibens THESIN.

*Mundus conditus est anno P. Constantino-
politana 1559, Julianæ 764. primò in Jobelæo &
Sabbatico pariter Cyclo proleptico, die primâ
Thisri circa & novilunii & æquinoctii autumnâ-
lis medii tempus &c.*

PUNCTUM SECUNDUM

Exhibens HYPOTHESES.

*HYPOTH. I. Annus Patriarcharum tempore,
vel solaris tropicus, vel talis tamen fuit, qui ali-
quando cum hoc, & consequenter Juliano quovq;
paria faceret; At Luna-Solaris minimè obti-
nuit.*

§. I. De hac ipsa hypothesi dubium inter Chrono-
logos autoritate quâdam pollentes nullum esse potest,
licet præcise in determinanda qualitate, quantitateq;
quædam obtineat discrepantia. Scilicet è Gen. c. 7.
& 8. constat quinque menses completos anni Patriar-
chalis 150 dies, & per consequens unum mensem tri-
ginta dies continuissè. Commemorat enim Moyses
Gen. c. 7, v. 11. diluvium die 17 secundi mensis cœpisse,
post decursum vero 150 dierum, aquarum co-
piam paulisper decrevisse v. 24. & c. 8. 3. quorum Dierum
ultimum 17 septimi mensis fuisse, idem testatur. v. 4.
Si jam mensibus prioribus quinque 30 adscribantur
dies, sequitur & reliquos septem tot decurrissè die-
bus, additis quinque gentis indole finalibus, quos Epa-
gomenas vocârunt. Notum vero est mensem Luna-
rem

rem è 29 diebus, 12 Horis cum scrupulorū appendice, annum v. lunare communem è 354 diebus, 8 Horis & scrupulis quibusdā adhærentibus, Embolimæum denique annum è 383 diebus, 21 Horis &c: constituisse. Quarum quantitarum neutra cum quantitate mensis antiqui antidiluviani convenientiam ullam habet.

§. 2. Ut adeo dolendum sit *Dn. Wilhelmo Langium* acrem *κεροδοξίας* morbum usq; adeo invasisse; ut Cap. VI. Cercopitheci sui, quē de ANNIS CHRISTI inscripsit, asserere non dubitaverit, *Annum Patriarcharum talem fuisse, ut menses à prima Φάσις inciperent, si Φάσις haberi poterat, sin minus, tum XXXI, à priori Φάσις dies, primus mensis sequentis esset: Annus vero, à messe dependeret, quæ si XII mense expletā, nondum matura esset, integer mensis adderetur annō, adeoq; tridecim mensium annus esset.* Hactenus Langius Scaligero contradicendi studiō, sed infelici. Qvis enim vel fando audivit in anno Lunari quinque menses continuo plenos se consequi potuisse? Qvis Langium certum reddidit phantasticas istas Φάσις circa diluvii tempus observatas fuisse? Autorum quos citat novitas suspecta, neque Langii sententiam per omnia confirmant, tantum abest ut Scaligeri ratiociniū è Scriptura peti- tum suspectum reddere queant. Qvis credat Patriarchis, quod inconvenienter Langius asserit, motus Solis & Lunæ haud fuisse cognitos? Qvis mensis Lunaris quantitate constituenda spatio quinque mensium Noachum biduō aberrasse? Qvis Spiritum Sanctum erroneum hunc calculum in Scripturis extare voluisse? Credat hæc Judæus Apella, Scaligeriani nunquam hæc sibi persuadere poterunt. Ut jam nihil

addam calculum Langianum à viciis aliis haud immunem esse.

§. 3. Scaligeri itaque, *Catolisi*, DNI D. Behmii aliorumq; Scaligerianorum verior sententia est, annum diluvianum, 12 mensibus *τριάκονθήμερος* & 5 *επαχρημαί* seu appendicibus diebus, hoc est, à 365 diebus constituisse, seu rationis quantitatis annua Nabonassar cum suisse; Patriarchas verò cum æquinoctia & Solstitia hac ratione, per omnes talis anni dies, spatio 1460 annorum vagatura esse facile intelligerent intercalandi ordinem hunc observasse, ut centesimum vigesimum quemq; annum non 12 sed 13 mensium *τριάκονθήμερον*, hoc est 395 dierum fecerint, atq; hac ratione anni initium ad primum terminum revocaverint, mobilemq; alias, immobilem reddiderint. Quæ sententia si obtinuerit, ultro sequetur 120 annos Patriarchales æquales fuisse 120 annis Julianis; Nam quemadmodum in illis, ita etiam in his, 43830 dies colligi possunt.

§. 4. Etsi vero in hanc sententiam rectè allegentur verba Gen. cap. 6, v. 3. extantia, ubi Deus mundo pœnitentiam prorogat ad 120 annos, quod temporis spatium procul dubio Patriarchis seculum dedit; Etsi porro pro hac sententia, vetustissimorum populorum, puta *Chaldaeorum*, *Persarum*, *Agyptiorum*, aliorumque tempora computandi mos facere videatur, subdubitat tamen de ejusdem veritate *Clarissimus DN. M. Franckenberg. Histor. Prof. P. celeberrimus, Præceptor noster* & viternum colendus, tum in *Elementis*, quæ vocat, *Chronologicis*, tum in *Compendio* brevi lucem visuro publicam, haud levi motus conjecturâ, quam libet genuinis Autoris verbis proferre: At, inquit, hæc anni formâ positâ nihilominus æquinoctia & solsti-

solstitia singulis 130 vel 131 annis unò die Patriarchis anticipassent. Unde æquinoctium autumnale medium, quod in initio mundi 26 Octobr. contigit in anno diluvii in diem 13 Octobris, ipsò Scaligero, Calvisio & Petavio ita computantibus incidit: quæ ætægia, à Patriarcharum Mathematicarum & Astronomicarum disciplinarum Studiosissimorum, & proinde à DEO longævitate maximâ predictorum, prudentia, videtur aliena. Hactenus Excell. Franckenberg.

HYPOTH. II. Dies conditi mundi ad Cardinale aliquod punctum cœleste, nimirum vel ad æquinoctium alterutrum, vel ad solstitium referendum alterutrum. At pro autumnali firmissimæ rationes pugnant.

§. 5. Prior Hypotheseos pars, cum illis terminis motus Solaris concludatur, extra controversiam est posita. Quilibet enim Chronologorum vel verno tempore, quod plurimis, tam recentiorum, quam veterum placet, vel circa Solstitium æstivum, quod Gerbardo Mercatori arridet, vel denique autumnali tempore cum Illustrissimis Viris Scaligero & Petavio Natalem Mundi celebrat.

§. 6. Esse vero Autumnale tempus exclusivè legitimum (quæ hypotheseos pars erat altera) probandum ante omnia est. Hinc producimus nos in hanc rem *Primò, consuetudinem Patriarcharum*, quos ante Exodum cum autumno annum suum inchoasse certum est ex Ex. 12, v. 2. quò in loco peculiari sanctione Dei, recepta apud Judæos consuetudo immutatur, ita ut **חשוון** caput anni ex Autumno in Ver transferatur, quâ sanctione opus non fuisset, nisi diverso tempore antea, Patriarchæ, traditione scilicet à prin-

à principio Mundi usque conservatâ & observatâ, permoti, annum suum inchoassent. Idem constat ex Exod. c. 23, 16. qvô in loco autumnus השנה השנייה dicitur sicuti c. 34. 22. השנה השנייה vocatur. Quæ itaq; temeritas est asserere in tota Scriptura V.T. autumnales menses nunqvâm primos vocari, & tantâ quidem confidentiâ, ut tripodem Apollinis de hac re *Langium* consuluisse primò intuitû suspicarer! Scilicet audaciæ opus erat tam confidenter opinari. Notamus *secundò* πανολεθρίαν *Mundi per* κατακλυσμὸν *universalem hoc anni tempore accidisse*, ceu exactissimus Historicus Moses ipse testatur, mense secundò aquas incrementa sumsisse. Gen. c. 7, v. 11. asserens. In quem locum *Josephus* LIB. I. Antiquit. Jud. cap. 4. sequentia commentatur: *Contigit hac vastitas annò principatûs Noa sexcentesimo, mense secundò, qvî Dius à Macedonibus vocatur, ab Ebrais Marchesvan. Sic enim Ægyptii distinxerant annum. Moses autem Nisan, qui est Xanthicus, mensem primum in suis fastis ordinavit, quod in eo Ebraeos ex Ægypto eduxisset, eundem etiam omnium, quæ ad rem divinam pertinerent, exordium fecit.* Si jam mensis secundus Marchesvan, primus proculdubio Thisri fuit. Si Mundum per 1656 solidos annos incolumem stetisse & demum in autumno, annum à conditu Mundi 1657 incipiente, πανολεθρίαν passum esse, certum est, sequitur, & in autumnali tempore mundum conditum esse.

Tertiò: Non inconficiunt huc *annorum Sabbaticorum & Jobe leorum institutum refertur*, quippe qvorum initium vi sanctionis divinæ in autumnum incidit. Lev. 23, 27. c. 25, 19. At annum qvîetis terræ post sextû & quadragesimum octavum vicissim celebrandum hi bini

Cycli

Cycli notare debebant, quod suum officium, ut accuratè exequi valerent, idem, cum Mundo, principium habuisse ipsos necesse est. *Quartò* urgerè solent alii non ineptè *Lectiois Bibliorum V. T. receptam inter Judæos antiquissimam consuetudinem*, quā cautū est, ut primum Geneseos caput, historiam creationis Mundi continens, mense Thirsi prælegatur, & prælectum fuerit. Vide *Dni D. Behmii* Manud. Chron. L. I. Tit. I. *Calvisii* Chronol. Isagog. c. XXXIV. & *Langium* hic nobis molestum de Annis Christi L. II. c. II. cujus exceptiones reservamus discursui.

HYPOTH. III. *Mundus conditus est vel circa novilunium, vel circa plenilunium. At quod circa novilunii tempus, naturæ magis consentaneum videtur.*

§. 7. Urgent hanc temporis circumstantiam pariter Chronologi ad unum omnes, si *Helvigium* & quod de *Cluvero* tradunt, excipias, at omnes & singulos ne intelligere quidem rectè hypothesein hanc firmiter mihi persuasi. *Scaliger, Buntingus, Scaligeriani cæteri novilunium urgent, Petavius cum asseclis plenilunium.* Optimè hic, ceu aliàs pessimè, *Codomannus*, quartò demum creationis die novilunium accidisse asserit. Principia temporis vi divinæ institutionis sunt luminaria, sint quoque Mathematicis de tempore sollicitis. Hinc quoties nos æquinoctiis & novilunii ferie quovis, characterem laudamus, toties de quarto creationis die sermonem esse recordari velit benevolus Lector. Nunquam enim animum inducere potui meum de primo creationis die agendum esse, quando de Natali mundi quæritur. At quid opus his speculationibus? Tempus cœpit cum Luminaribus, ergo & circumstantiæ temporis. Mundum circa Novilunii

& æquinoctii tempus creatum esse asserimus, primam creationis diem feriam primam æquinoctiæ & novilunio conspicuam fuisse, nunquam credidimus. Ordinis autor DEUS est? Et nos dicimus certò ordine, cardinalibus in punctis temporis principia à DEO producta esse. Ante mundum conditum tempus non fuit historicum, sed nec ante quartum creationis diem tempus propriè sic dictum erat; quin potius QVANDO. Paradoxon hoc esto! Urgemus Dei verba: יהי מארות ברקיע השמים להבריא בין היום ובין הלילה והיו לאותות ולמועדים ולימים ושנים. En ante quartum creationis diem nec Tempus statutum ac determinatū, nec noctis ac diei propriè sic dicta intervalla, nec dies nec anni extitère, & finge tu tempus extitisse. Uter quæso magis absurdus est, an qui negat novilunii vel plenilunii characterem primo creationis mundi diei, an qui Soli Lunaq; primùm conditis competiisse negat? Feriarum existentia à Sole Lunaq; dependet, religiosa celebratio ac sanctificatio mandato Dei originem debet. Nisi quis *Ubbonem Emmium* sequi velit, qui characteres Thesi nostræ nominatos non ipsi Natali mundi quin potius primo post Sabbatum diei competiisse ingeniosè asserit, sequentia enim verba ejusdem in Canone Chronico ad 764. P. Jul. annum leguntur: *Caput æra conditi mundi pertinens ad diem 26 Octobr. Julian. in serie annorum Julianorum in anteriora porrectorum, qui dies primus fuit à Sabbato, quod egit JEHOVA absolutò creationis opere, inchoans hebdomadam primam mundi jam perfecti, quò eodem die conjunctio prima Solis & Lune facta prope æquinoctium.*

§. 8. Novilunium verò hic plenilunio commodius

dius est omninò. Sic enim Protoplasti, quos 28 Octobris à nobis, à Scaligero 31 Oct. natos esse creditur, conspexerunt Lunam corniculatam primùm & ante primam quadraturam, hinc sequentibus diebus usq; ad plenilunium (quod tamen ab ipsis in statu innocentiae constitutis forsitan non fuit observatum, quippè cum stochasticè quidem persuasi simus protoplastos decimo Thisri die, ob id festo Expiationis notabili, è statu innocentiae excidisse) magis magisq; auctam, cum econtra pleniluniò Natalem mundi conspicuum fuisse si asseratur, Protoplasti eandem Lunam primò decrecentem & hinc accrescentem ordine ferè retrogradò conspexere.

TERTIUM PUNCTUM

ΑΠΟΔΕΙΞΙΝ

Exhibens.

§.9. His jam præmissis de veritate Theseos nostræ dubiū nullum superesse poterit, quippe cum per hos characteres, ita quidem limitetur annus Nativitatis Mundi, ut nullus omninò sit, qui iisdem quoq; gaudere queat. *Argumentamur enim:*

Quaecunq; sententia Natalem Mundi figit
 (1) *in talem diem, quæ & feria prima, & Noviluniò & æquinoctiò autumnali est conspicua,*
 (2) *in talem annum, qui per 1656 solidos annos à diluvio remotus & simul primus in Cyclo Sabbatico pariter & Jobelao est, cum intervallis quoque tam partialibus, quam totalibus (in sequentibus forsitan DEO dante demonstrandis, hic ratione τῷ ὅτι tantum proponendis) si regressus instituat, convenit, &c. Ea sententia pro verissima omniumq; optima habenda est.*

At nostra sententia in Thesi proposita, Mundum scilicet annò Per. Jul. 764. die 26 Octobr. conditum esse asserens, est talis, cui cōditiones laudatæ ex æquo omnes conveniunt.

E. nostra sententia in Thesi proposita, quâ Mundum anno Per. Jul. 764. Die 26 Octobr. conditū esse asserimus, omnium optima ac verissima est.

§. 10. MAJORIS Propositionis veritatem astruunt Hypotheses præmissæ, hinc neq; de eadem dubitare alicui licet. Etsi enim forsitan dies alius, forsitan & annus alius sit dabilis, cui characteres laudati similiter competunt quidam, omnes tamen diversò ab hoc anno ac diei competere, impossibile prorsus est, cum contra iidem characteres non disjunctim, sed conjunctim sint considerandi, nec à se invicem divellendi, quò certi quid ex iisdem concludatur. Admissis ergo Hypothesibus præmissis, veritas non tantum facili negotio adstrui, sed & falsitas labore ac sudore haud copiosiori destrui poterit; cum reciproce & affirmativè & negativè vera sit propositio.

§. 11. MINOREM calculus probat, quam subjungere Typographi vetat ignavia, hinc propriæ cuiusvis Lectoris industriæ hanc spartam commendatam volumus.

§. 12. Unicum tantum, idq; facile primarium dilucidabimus membrum: Circa anni conditionem determinandam dictum est eundem cum interval-
lis tam partialibus, quàm totalibus in sequentibus DEO dante, demonstrandis, si regressus instituat, convenire. Ratio seu methodus hæc est: Annis Per. Julianæ completis 763 & 9 mēsis ad conditum Mundi usque ex mente Scaligeri elapsis, ab annis P. Jul. 4713 completis ad Epocham Christi
Diony-

Dionysio-Bedianam omnium consensu elapsis, subtractis, manent anni completi 3949 & 3 menses à conditu Mundi usq; ad Epochæ Christianæ initium elapsi. Quod intervallum majus & totale constituunt quoq; intervalla sequentia minora, eaq; historiarum utriq; & præsertim Sacræ per omnia consentanea:

<i>Elapsi sunt</i>	<i>ANNI</i>	<i>MENSES</i>
<i>A Conditu Mundi ad Exodum usq;</i>	2452.	6.
<i>Ab Exodo ad ædificationem templi</i>	480.	1.
<i>Ab ædificatione templi usq; ad ejus excidium</i>	427.	3.
<i>Ab Excidio usq; ad Epoch. Christi Dion. initium</i>	589.	5.
<i>Ergo à Conditu Mundi ad Epoch. Christi.</i>	3949.	3.

§. 13. Hæc demonstratio seu ἀπόδειξις fundatur in illo *Euclidis* LIBRI I. Postulato tertio: *εάν δύο ἴσων ἴσα ἀφαιρεθῇ, τὰ κατὰλειπόμενά ἐσιν ἴσα.* Si ab æqualibus æqualia ablata sint, quæ relinquantur, sunt æqualia.

Æquales enim sunt

<i>P. Jul. Anni</i>	<i>4713.</i>	<i>Mens. 0.</i>	<i>Et Mundi 3949 Et 3 Menses.</i>
<i>Æqualis summa</i>	<i>3949.</i>	<i>3.</i>	<i>auferatur. 3949. 3.</i>

Residuum 763. 9. 0. 0.
ergo æquale erit quovis. Id est, elapsi sunt de Periodo
Juliana, usq; ad Mundi Conditi Epocham præ-
cisè 763 anni Et 9 menses completi. ὥστε εἶδει
δείξαι.

§. 14. Hinc sequitur porro, A dato quovis Per. Jul. anno pro anni Mundi respondentis mensibus tribus prioribus 763 annos, at pro posterioribus novem 764 annos subtrahendos esse, residuum enim annum Mundi dato P. Jul. anno respondentem manifestabit. Et contra, Si mundi annus detur, per additionem ejus-

dem annorum summa facili negotio Per. Jul. annus respondens inveniri poterit. Exempli gratiâ, præsens annus Christi 1652 (additis methodò perpetuâ 4713 annis) est annus P. Jul. 6365, ergo mundi annus 5602 hoc ipso anno P. Jul. circa autumnum cœpit, finiendus in anno sequenti. Similiter annus Mundi 1657. qvo diluvium accidit vi regulæ, qvòd tres priores menses spectat, est annus P. Jul. 2420, at qvoad posteriores novem, responder anno P. Jul. 2421. Ut adeò appareat, qvâ ratione qvilibet P. Jul. Christi &c. annus cum binis annis mundi connecti omninò possit, qvâ connexionis duplicitas ne forsitan error ansam præbeat, indicanda erat.

PUNCTUM QVARTUM

Exhibens

ANTITHESIN ET EPI-

L T S I N.

§. 15. Veritas sicuti una & simplex, sic falsitas infinita ac multiplex. Decet vero veritatis assertorem eandem non tantum demonstrare & evincere, sed evictam defendere qvòqve, & ab Adversariorum insultibus salvare. Eandem ergo & nos impræsentiarum observabimus methodum, falsasqve aliorum, veritati hætenus assertæ impudenter contradicentium, Opiniones profligabimus.

§. 16. PRIMA ergò & GENERALIS ANTITHESIS sit Nicolai Mullerii, Job. Gerhardi Voßii in Dissertatione de anno &c. Nativit. Christi & præprimis Dionysii Petavii noti nominis Jesuitæ, Scaligeri hostis infensissimi. Horum acumen nimis tenue retunditur, & in se sæpè replicatur, etiam cum agere ali-

qvìd

quid videntur, pungunt non perforant. Statuunt verò hi: *Annorum numerum, qui ad hanc aetatem ab orbe condito effluerunt, nullà certà ratione, sed verisimili conjecturà colligi*, quam sententiam declarat prolixè, quem jam nominabam, Petavius L.IB.IX. de doctrina Temporum, c. VI. & Rationarii L.II. cap. I. pag. mihi 72.

§. 17. ΕΠΙΛΕΞΙΣ. Paradoxon sive hoc Petavio Mullerio-Vossianum, quò in limine quāsi deterre, re volunt omnes Chronologicam scientiam anhelantes, esse absurdissimum, quilibet à præconceptis opinionibus liber agnoscat mecum, qui (1) ad hæcenus traditam ἀπόδειξιν attender, (2) Chronologiam scientiam dici non tantum, sed esse quoque perpender, (3) Spiritum Sanctum omnis ordinis autorem singulari consilio procul dubio conservasse atque extare voluisse seriem annorum certam, utpote Ecclesiæ ab initio mundi usque ad finem duraturæ testimonium & decus eximium serio credet. (4) Incertam hæc ratione omnem non tantum aliorum, sed & ipsius Petavii, sociorumque Chronologiam tam sacram quam profanam fieri animadverter.

§. 18. ALTERA & SPECIALIOR ANTITHESIS. fit ejusdem Petavii, postquam enim eandem Mundi Epocham postulato, præcedenti Thesi absurditatis, convicto, satis dubiam reddidisset, tandem suam quoque, sed *probabilem* tantum proponit sententiam Locis citatis his verbis: *Nos ab Orbe condito, ad annum Nativitatem Christi ex vulgari calculo, elapsos esse putamus annos 3983. Et p. 77. Ration. Igitur Mundus à DEO conditus videtur in LIBRÆ cardine, anno P. Jul. 730, autumnò illò, qui est ter millesimus, nongentesimus, octogessimus*

finis quartus, ante autumnū anni ab Orbe condito 3983, quò natus vulgò Christus ponitur, qui est P. Jul. annus 4713. Prima dies mundi in 26 diem Octobris incidisset, si tunc in usu forma hæc fuisset anni, quò die æquinoctium sive medius in libra cardinem ingressus contigit. Hactenus Petavius.

§. 19. ΕΠΙΛΥΣΙΣ. Sed respondemus nos hunc Petavii discursum non unò laborare absurdò 1. Falsum est inter Epòcham Mundi conditi & Christi Dionysianam, 3983 annos interceptos esse, contrarium supra nos probavimus & Deo dante aliò tempore probabimus ulterius. Hic tantum notetur *fides Jesuitica in Scripturam authenticam*; 1. Reg. 6, v. 1. disertis verbis dicitur templum Salomonæum conditum esse anno 480 post Exodum Israëliitarum ex Ægypto. At Jesuita autoritate Scripturæ susq; deq; habità, 520 annos inter Exodum & templi ædificationem interceptos esse asserit. Idem vitium in aliis ipsius intervallis observare quis poterit. II. Falsum est diem 26 Octobr. anni P. Jul. 730 vel pleniluniò, vel noviluniò còspicuā fuisse, concedit hoc ipsum Petavius; hinc 27 demum diei Octobris plenilunium medium, sive decimam quintam Lunā adscribit. At hoc contra Hypoth. III & contra ipsius Petavii scopum. III. Falsum est eandem 26 Octobr. æquinoctiò autumnali insignem fuisse, ceu id ex ipsius Petavii tabulis Amplifs. Dn9 Franckenbergerus in Fundam. Scholio secundo B B demonstrat. IV. Falsus est hic Natalis mundi annus, cum utroque caractere Sacro destituatur.

§. 20. TERTIA ANTITHESIS Dni Wilhelmi Langgii sit, quam Lib. II. de Annis Christi tractatùs inculcat. Eidem ergo cum celeberrimis, cœtera si spectes,
viris

viris Theologis pariter & Chronologis, scil. *Eusebio, Athanasio, Basilio Magno, Gregor. Nazianzeno, Ambrosio, Cyrillo, Augustino, Damasceno, Isidoro, Beda, Philippo Melancthone, Bucholzero, Buntingo, Codomanno, Luca Os- andro, B. Hunnio, Chemnitio, Himmelio, Tychone Brabe, Keplero, Longomontano &c.* placet, Natalem Mundi in vernum rejicere tempus. Causas, quibus hanc suam Anti-Scaligerianam opinionem persuadeat Autor, nullas invenies, si easdem desideres, tali scilicet viro, qualis ipse sibi videtur Langius, dignas. Pudet nos easdem hic proferre, in conflictu forsitan de iis videbimus.

§. 21. Sed neq; Tempus anni tantum reddere dubium sufficere videbatur acri isti Chronologorum insectatori; ipsum annum mutavit insuper, *Mundum conditum esse ajens anno P. Jul. 672 April. XXX. primo die mensis Nisan, feriâ primâ, Cyclo Sol. XXVIII. Lun. VII. Indiët. XII.*

§. 22. ΕΠΙΛΤΣΙΣ. Palilia sua celebret Langius, nos pudet tempus immanem hanc sententiam refutando perdidisse, hinc summa capita tantum indicabimus. I. Falsum est vernum tempus autumnali in hac controversia præferendum, cum aliàs necessariò sequeretur, annos Sabbaticos & Jobelæos quoad dimidiam sui partem interruptos hodie obtinere, eosdem enim primitus ab autumno inchoandos & inchoatos esse quoq; ipse applaudit Langius, ut cœtera argumenta repetere opus non sit. Taceo jam non minoris æstimationis atq; Autoritatis viros, nobis pro autumnali Tempore militantibus adstipulantes, puta *Hieronymum, Nicolaum de Lyra, Josephum, Tostatum, Dn. D. Jacob. Martini, b. m.* aliosqve. II. Falsum est primam Nisan, anno P. Jul. 672. in diem April. XXX. incidisse, nisi quis

Phantasticam illam & Æsopicam de Phasibus fabellam rean-
mare velit. Scilicet Talmudici nonnulli, Cretensibus Pauli-
nis palmam præripientes, pictis imaginibus Lunæ parvulos
suos delectârunt. Ergo Moses Astronomus exactissimus ru-
sticam hanc experientiam in tempore determinando Magi-
stram agnovit! Anus decrepita ac ruinam minitans subin-
de mercenariis utitur oculis. Ergo & acie oculorum pollens
juvencula? Proferat, quæcunq; velit, Langius testimonia, *quod*
calculus recentiores Judæos probasse probabit, sed quæ in-
tendit, minimè. Præterea apodicticum meâ sententiâ con-
tra Phases ad minimum. Anti Exodicas argumentum præbet
eadem Exodi historia. Dicitur in eadem sacerq; est consensus
Exodum factum esse 15â Nisan è Scaligeri mente anno P. Jul.
3217. Calculum si quis non aspernetur subungere, primam
Nisan eo ipso in anno 2. April. fer. 5 occupasse apparebit.
At si prima Nisan Mosaica fuit 2. April. fer. 5. decima quin-
ta Nisan itidem Mosaica erit 16 April. fer. quinta, quæ cha-
racter feriæ colligitur quoq; ex Exod. 16. v. 1. & 22. hoc modo:
Si vigesima secunda dies secundi mensis anni Exodici incidit
in feriam septimam, vel diem Sabbaticum, tum primus dies
primi mensis erit feria quinta. Si verò Phasis Langiana obti-
neat, Exodus nequaquam 16 April. fer. 5 contigit, quin potius
ad minimum 17 April. fer. 6ta, quem characterem textus Mo-
saicus tamen haud admittit. III. Falsum est & erroneum inter
Epocham M. conditi & Exodum 2538 annos interceptos esse.
Intervallum idem 2452 cum dimidio annos non excedit. Un-
de ergo immanis ille 85 annorum pleonasmus? Scilicet simpli-
cissimæ Spiritûs S. assertioni, Abrahamum septuagesimo ætatis
Tharæ anno natum esse, fides deneganda, contra *Lyrani, Bero-*
aldi, Tremellii, Temporarii, Parei, Codomanni & nuperrimi scripto-
ris cujusdam Germanici, accurati Apocalypseos explicatoris, si Diu
placet, magis ad palatum erat sententia, quâ asseritur *Abraha-*
num 130 demum ætatis Tharæ anno natum esse. Neq; verò alio-
rum tantum admirandæ erant fabulæ, novæ potius hinc inde
proponendæ. Hinc 25 illi Abrahami anni, quos forsitan, quò
commentum Langianum sibi ipsi constaret, Abrahamus binis
transegit vicibus.

§. 23. ANTITHESES COETERAS, ut; connectentium Na-
 talem Mundi, cum anno P. Jul. vel 877 quod facit *Helvigius*,
 vel 661, quam connexionem *Salianus* excogitavit, vel 663: cœu
Tornicellus vult, vel 746, ut *Buntingus*, vel 754, quæ *Fancio* pla-
 cet sententia, vel 786 quæ *Bevaldo*, vel deniq; aliò quocunq;
 tempore & spatio pagellarum exclusi, addere haud possumus,
 nec operæ pretium esse videtur, quicquam in his, rationū pon-
 dere destitutis, sententiis refutandis temporis impendere;
 Qvippe cum si tradita hactenus à nobis observentur,
 argumenta ἀναγνωστικά de esse nun-
 quam possint.

Δ.

Τ.

Θ.

Ad Per- Eximium

DNUM RESPONENTEM,

Amicum suum oculissimum.

Curcuriuncula non, nec bustubata, minuti,
 Mundi Natalem quarere nōsse Diem,
 Quem bene cum sardet tua mens, HOFMANNE Perite,
 Quis Tē Scaligeri non velit esse scium?

gratificaturus

Lm̃g, addebat

M. ÆGIDIUS Strauch.

An Herrn Paul Hofmann/

als er von dem Geburts-Tage der Welt
 disputierte.

Zu welcher Jahres-zeit der grosse Erden-Kreis
 samt Himmel / Lust und Meer vom Höchsten sey gebawet
 mit solcher Zierlizkeit / daß / wer sie recht anschawet /
 sich hoch verwundern muß / das zeigt uns dein Fleiß /
 Herr Hofmann / werthe Lust / wenn dein geübter Sinn
 uns öffentlich hiervon mit starkem grunde lehret.
 Wer ist / der Dich darum nicht billich liebt und ehret?

Gewitz

Wie dein Naher ist so ist dein Gesez zu sein. Bin /
die durch des Lebens Gnaht unsterblich sind gemacht.
Hör / deine Vater / Stad / dein Breslau / wünscht Dier Blütke /
und giebt dier Förderung / so bald du könnst zu rükke /
wortmüß sie alder die Dich / ihren Sohn / bedacht.
Balthasar Kopisch
von Neichenbach aus Schlesien.

DRUM RESTORIRENTEM

Die von dem Tode befreit
den neuen Leben Tage der Glück